



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De Psalmis. VIII.

**urn:nbn:de:hbz:466:1-39775**

- 6 *Psalmi de Dominica ad Vesperas, ut plurimum dicuntur in Vesperis Festorum, excepto ultimo, qui mutatur; cum vero aliter fieri debet, suis locis notatur. In Vesperis infra Octavam dicuntur Psalmi, ut in secundis Vesperis Festi; sed in primis Vesperis diei Octave dicuntur, ut in primis Vesperis Festi, nisi aliter notetur.*
- 7 *In fine Psalmorum semper dicitur, Gloria Patri, praterquam in Psalmo, Deus Deus meus, ad te de luce vigilo, & in Psalmo, Laudate Dominum de Cœlis, qui conjuguntur cum aliis Psalmis, & in fine ultimi tantum dicitur Gloria, ut suis locis notatur. Præterea non dicitur in triduo majoris hebdomada ante Pascha, nec in Officio Defunctorum, cuius loco pro Defunctis dicitur, Requiem aeternam dona eis Domine, etiam si fiat Officium pro uno tantum.*
- 8 *Ut sacra vulgata editionis puritas inconfusa, & illibata servetur, etiam quoad interpunktiones, & distinctiones in Sacris Bibliis appedita, additus est Asteriscus\*, ut sit nota musicæ partitionis in medio versu.*

## Novæ Observationes & Additiones ad Gavanti Cap. VIII. De Psalmis.

I. Gavant, pag. 58. col. 1. n. 1. -- *Si Psalterium Sacerdos ignoret &c.)* Quanti momenti esset apud veterem Ecclesiam hæc disciplina, ut Clerici Psalterium totum animo perciperent, & memoria custodirent, præter August. testimonium, hic à Gavanto nostro laudatum, illud etiam præclarè démonstrat, quod legimus de Gregorio Magno, qui Episcopam ordinare recusavit Johannem Presbyterum, ut potè Psalmorum nescium, & id habetur in ejusdem Pontificis Epistola 44. lib. 4. Idem Sanctissimus Pontifex antequam quempiam ordinaret Episcopum, inquirebat, an Psalmos memoriter teneret, nec ne, ut colligitur ex Epistola 34. lib. 8. ad Episcopum Clusinum de Johanne Diacono promovendo in Episcopatum Balneoregensem, ubi hæc scribit: *Requirendum quoque est, si in opere Dei studium habuit, vel Psalmos novit.* Et in Epistola 6. libri 12. habetur, quod ab eodem Pontifice repulsus fuit ab Episcopatu Anconitano, ad quem erat electus Rusticus Diaconus, qui Psalmorum ignarus repertus fuit. Hunc eundem momenrem in ordinandis primi Ordinis Sacerdoti-

bus reintegravit Oecumenica Synodus Nicæna II, his verbis: *quoniam Psallentes Deo spondemus: in justificationibus tuis meditabor; non obliviscar sermones tuos: omnes quidem Christianos salutare est hoc servare: & eos autem præcipue, qui Sacerdotalem dignitatem obtinemus: quamobrem decernimus, quilibet, qui ad Episcopalem gradum est provehendus, Psalterium omnino nosse: ut ex eo omnem quoque suum Clericum ita institui moneat.* Concilium pariter Toletanum VIII. Anno Domini 653. coactum, hunc justissimum Canonem edidit, ut videre est Tom. 2. Collectionis maximæ Conciliorum Hispaniæ factæ à Sapientissimo Cardinale Josepho Saenz de Auguirre pag. 566. -- *Solicite constitutur, atque decernitur, ut nullus cuiuscunque dignitas Eccl. si. &c. deinceps percipiat gradum, qui non totum Psalterium, vel Canicorum usulum, & Hymnorum, sive baptizandi perfectè noverit supplementum.* -- Hujus Canonis memores PP. Concilii Coyacensis in Diœcesi Ovetensi Anno 1050. decreverunt, *ut Archidiaconi tales Clericos, constitutis quatuor temporibus, ad ordines ducant, qui perficie totum Psalterium, Hymnos, & Cantica,*

issa, Epistolas, Evangelis, & Orationes sciant. Hoc idem antiquæ Disciplinæ caput Anno 889. suis Presbyteris commendarat Riculphus, Sueßionum Episcopus, cùm in sua ad illos Constitutione scripsit. Monemus, ut unu: quique vestrum Psalmos, & Sermonem Fidei Catholicæ, cujus initium, Quicunque vult salvus esse, & Canonem Missæ, ac Cantum, vel computum memoriter, & veraciter, ac correttè tenere studeat. In Ecclesia etiam Constantiopolitana inter veteris suæ disciplinæ Officia id fuit, ut Clerici Psalmos omnes memoriter complecterentur: hinc Gennadius, ejusdem Sedis Antistes, is, qui Anatolio successit, non diu post Chalcedonense Concilium noluit ordinare Sacerdotem Diaconum illum, qui prius Psalterium ledulò in ore non habuisset: Ita Nicephorus lib. 5. Histor. cap. 27. & Theodorus Lector in Collectan. narrat, Archiepiscopum Leonem in more habuisse, ut neminem Sacris Ordinibus iniciaret, qui Psalterium nesciret. Ceterum Psalmos memoriter, & sine libro cantandi mos diu viguit, ejusdemque moris adhuc in quibusdam locis remanserunt vestigia, ut de Ecclesia Lugdunensi, & Rhomagensi &c. nec non de Carthusianis asleverat Guisanilæus in notis suis eruditissimis ad suprà memoratam Epistolam 45. Divi Gregorii. Immò hanc esse disciplinam PP. Benedictinorum præscriptam à S.P. Benedicto, infert Haëptenus lib. 7. tract. 4. disquisit. 2. ex verbis suæ Regulæ, quæ habentur cap. 9. & hanc esse antiquam veterum Monachorum consuetudinem, Psalterium, aliosque Sacrae Scripturæ libros memor & commendandi, pluribus auctoritatibus ostendit Edmundus Martene in suo eruditissimo Commentario ad prædictum cap. 9. Regulæ S. Benedicti.

II. Gavant. pag. 58. col. 2. n. 2. - Unde ferè idem est Psalms, quod Hymnus &c.) Psalms Davidicos, Hymnos quoque, & appellatos fuisse, & bene appellari posse, nos pariter suprà insinuavimus, agentes de Sacris

Gavant. Rubr. Brep.

Hymnis. Quapropter licet ex usu Ecclesiæ Hymnus strictè acceptus distinguitur à Psalmis, ut innoteat discrimen inter Laudes Divinas à Davide factas, & alias Laudes à Catholicis Doctoribus compositas, nihilominus si vera significatio attendatur, idem omnino sunt Hymnus, & Psalmus, utraque enim vox explicat Laudem Dei cum metro, & utraque exigit cantum ad sui perfectiōnem; idcirco qui à nobis dicitur Liber Psalmorum, ab Hebræis dicitur Liber Hymnorum, & Philo lib. de Mondo loquens de Davide, Psalmorum Auctore, vocat eum nomine Hymnographi. Has, & alias rationes in hujuscem veritatis comprobationem adducit P. Anacletus Siccus in præfatione præfixa suo eruditio libro inscripto de Ecclesiastica Hymnodia, in quo agit de Divina Psalmodia, quæ quidem liber prius ex Italico prælo in lucem emissus, paucos post annos Antverpiæ Typis Plantinianis fuit recusus.

III. Gavant. pag. 58. col. 2. n. 3. - Psalterium, quo Romana Ecclesia utitur &c.) Primum Latinam Scripturæ Versionem Romæ factam fuisse, verisimile est, statim enim ut Romani Christianam Religionem amplexi sunt, Sacra Scriptura ex Græco, in ipsorum idioma translatâ fuit, & equidem tanta est hujuscem Versionis antiquitas, ut translatoris nomen ignoretur; Itala tamen appellata est hæc Versio, & usque modò hoc nomen retinet, & est communis sententia, quod ex veteri illa Græca LXX. Interpretum expressa fuerit. Aliæ postea pariter ex Græco textu LXX. & non ex Hebræis fontibus Latinæ Versiones prodierunt, quia, ut scribit S. Augustinus libro 2. de Doctrina Christiana cap. 11. quicunque sibi videbatur utramque linguam, Græcam, & Latinam aliquantulum callere, ausus est novam Sacrorum Bibliorum exarare interpretationem. Sed inter omnes illa ubique recepta fuit, quæ Itala dicebatur, ipso Augustino testante lib. cit. cap. 15. his verbis: In ipsis interpretationibus

Y

Itala



*Itala ceteris praeferatur, nam est verborum tenuior cum perspicuitate sententia.*

Hæc versio Romana pariter appellata fuit, quia illam ab initio recepit Romana Ecclesia, & quia forsitan, ut mox dixi, hæc versio Romæ ex Græco Textu fuit expressa ab aliquo Apostolorum Discipulo, & à primis Ecclesiæ Fundatoribus visa, & approbata, atque ab his simul cum fidei deposito successoribus concredita. Hac versione non solum Sedes Apostolica, sed & reliqua Occidentales Ecclesiæ utebantur; quamvis in eam temporis progressu aliquæ mutationes irrepererint, vel Scriptorum audacia, sive oscillantia, vel Episcoporum licentia, qui vel verba, vel sententias ad sua Regionis idiosyncrasias accommodarunt. Porro integrum hujus versionis corpus nullibi extare autumat Cardinalis Bona lib. 1. de Rebus Liturgicis cap. 3. cum enim Hieronymi versio tanquam Hebraicis exemplaribus magis respondens cœperit in Ecclesiis legi, citari à Conciliis, & à Scriptoribus exponi, vetus illa negligi cœpit, donec tandem omnino periret, quid ducentis, & amplius Annis post Hieronymum contigisse putat idem doctissimus Cardinalis; solum autem Psalterium remansit, quia, cum illud Fideles adhucherent in Divinis Officiis, ipsumque memoria diligenter mandassent, adduci non potuerint, ut novam editionem Hieronymianam ediscerent. Ex hoc Psalterio S. Gregorius Introitus Missarum, & reliqua excerptis, quæ in suo Antiphonario continentur. Hujus Italicae versionis præcipitos errores Romæ circa Annum 382. iussu Damasi Papæ corredit S. Hieronymus ad Fidem editionis LXX. à qua Italica versio non semel discrepabat. Corredit, inquam, vir Sanctus editionem illam Latinam, sed tumultuario opere, ut ipse testatur in Epist. ad Paulam, & Eustochium: *licet cursim magna illud ex parte cor exi.* Eo Psalterio, ita ab Hieronymo corredito, usi est prius in Ecclesia Romana, deinde ad alias Ecclesiæ, sed minori successu, delatum est; Populi enim

antiquæ assueti versioni, S. Doctoris correctiones negligebant, ita ut non multo post tempore totum opus mendis fœdatum fuerit: *Quod quia rursus vide. i.* (ita Hieronymus ad Paulam, & Eustochium) *Scriptorum vitio depravatum, plusquam antiquum errorum,* quia novam emendationem valere me cogitis &c. Quapropter diuibus prædictis Matronis instantibus circa Annum 384. novam ipse veram versionem Latinam, cum Bethlehem versaretur, à Textu LXX. expressam suscepit; quæ non fuit pura correctio, ut prima Romæ facta, sed vera nova versio, & quidem accuratissima, atque omnino emendata, & de hac sua editione scribit ille ad Sophronium dicens: *Quoniam (LXX) translationem diligentissime emendatam olim mea lingua hominibus dedi Psalterium hoc Bethlehem ab Hieronymo secundò emendatum, illud idem est, quo nunc in Breviariis utitur Romana Ecclesia, & quod in corpore Sacrorum Bibliorum reperitur; & quod etiam Gallicanum est appellatum.* Prima autem editio Psalterii etiam juxta Hieronymi correctionem Romana dicta fuit, & ad illam veterem Latinam interpretationem pertinere non levè conjectura creditur, quam Divus Augustinus lib. 2. de Doctrina Christiana cap. 11. Italiam appellat. Primi, qui ab hac Italia vetera Psalmorum editione discellere, fuerunt Galli; hi etenim alteram B. Hieronymi veram versionem, & correctionem diligentissimam Bethlehem factam, obelis, & alteris, additionibusque ex Theotione desumptis conditinctam, priori prætulerunt, post S. Gregorium Turonensem Episcopum, qui illam, ut scribit Walfridus Strabo de Reb. Eccles. cap. 25. à Partibus Romanis mutatam, in Galliarum dicitur Ecclesiam translatisse, unde & Gallica dici cœpit. Ex Galliis mox in Germaniam faciliter commigravit, ipsomet Walfrido scribente -- Galli, & Germanorum aliqui secundum emendationem, quam Hieronymus Pater de LXX. editione composuit, Psalterium cantant. -- Eruditus

ditissimus tamen Mabillon in sua *Disquisitio de Cursu Gallico* num. 22. demonstrare contendit, eo tempore, quo Gregorius Turonensis Antistes Historiam suam scribebat, Psalterium ab Hieronymo emendatum, quod Gallicanum vocatur, nondum in Gallia receptum fuisse, sed admissum putat tale Psalterium medio Gregorium inter, & Walfriedum intervallo, opera fortasse S. Bonifacii Moguntini Pontificis, qui illud Gallicanis, Germanisque Ecclesiis probabiliter tradidit.

IV. Gavant. eod. n. 3. -- *Quod adhibetur Roma in ade Vaticana S. Petri &c.)* Prima, seu Romana Psalmorum editio nonnisi post X. Christi Seculum in Italia ipsa sensim commutari coepit, nam cum S. Franciscus suis Fratribus praecepit, ut secundum Ritum Ecclesiae Romanae Divina peragerent, excepto Psalterio Romano; hinc discimus, per id tempus in Umbria Romanam Psalterii editionem obsoleuisse, & Psalterium juxta Divi Hieronymi interpretationem in uso fuisse. Res inde eò deducta est, ut sub Sexto IV. Roma tantum, ejusque districtus (conuentus scilicet Urbis, quaquaversum ad XL. lapidem protensa) priscam Romanam editionem retinuerint. Et equidem in Archivo Canonicorum Basilicæ Liberianæ S. Mariae ad Praepe, extat Psalterium Romanæ editionis hac inscriptione prænotatum -- Ad honorem omnipotentis Dei, & gloriofissimæ Virginis Mariæ, Matris ejus, incipit Psalterium ad usum Venerabilium Dominiourum Canonicorum Venerabilis Basilicæ, & Ecclesiae S. Mariae Majoris de Urbe, secundum consuetudinem Clericorum Romanæ Urbis, ejusque districtus &c. -- Quodque Psalterium scriptum, & illuminatum fuit sumptibus, & expensis nobilissimæ Dominæ, Donnæ Caredonæ de Annibalis de Urbe, tempore Archipresbyteratus Reverendissimi Domini, Domini Guillelmi de Estoutevilla, Episcopi Ostiensis, Cardinalis Rothomagensis, ac SS. D. N. Sixti & P. IV. Camerarii di-

gnissimi, sub A. D. 1480. tempore SS. Domini, Domini Sixti PP. IV. Anno vero ejus nono.

Hispaniam autem quod attinet, ad S. usq; Gregorium VII. Romana Psalterii editione usam fuisse, indubitanter creditur, nam ad id usque temporis proprium Ritum constanter tenuit, quem Mozarabicum dicunt, in quo Psalmi ex prima Romana editione continentur; quin etiam nunc, ubi Ritus ille adhuc in Hispania vigeret, juxta eandem editionem psallitur. Tandem inhærendo Decreto Concilii Tridentini, S. Pius V. Pontifex Maximus Breviarium Romanum in meliorem formam rededit, & ad communem ferè omnium Ecclesiarum usum restituit, ejusque iussu tunc ubique recepta est Vulgata, seu Gallicana Psalmorum editio, praterquam in sola Basilica Vaticana, in qua nunc etiam vetus Psalterium juxta antiquam, & Italicanam dictam editionem religiosissime recitatur, & accurate sublatis mendis, quæ irrepserant, pristinæ integritati restitutum, quod notat etiam Cardinalis Bona loc. *supracit. num. 4.* Eadem versione extra Urbem utitur etiam hodie vetero more Ecclesia Ambrosiana, necnon Ducalis Basilica S. Marci apud Venetas, & in Hispania, ut dixi, utuntur eodem Psalterio antiquo Romano omnes Clerici illi, qui ex institutione Francisci Ximenes, Archiepiscopi Toletani, psallunt juxta Ritum Mozarabicum. Reliquæ autem omnes Occidentales Ecclesiae unicum tantum Psalmum, nempe XCIV. qui Invitatorius dicitur, quotidie juxta Italam editionem recitant, & solam in sollemni Feste Epiphaniae ferè ab omnibus recitatur idem Psalmus juxta editionem Vulgatam, & Gallicanam.

Præfati utriusque Psalterii Codices tam Romani veteris, quam Gallicani exactissimis exemplaribus respondentes in lucem emisit sape laudatus Card. Thomasius Romæ anno 1683. Typis Tinassii, præmissa juxta morem suam crudicissima Præfatione.



Recentissimè autem in Tom. 4. Anastasi, Bibliothecarii Salvionianæ & Vaticanae editionis, insertum reperitur Psalterium cum Canticis juxta Vulgatam antiquam Latinam, & Italam Versionem, Versibus prisco more distinctum, quod in Romana Ecclesia ab Apostolico ferè ævo usu receptum; postmodum verò à Divo Hieronymo recognitum, & emendatum, nunc etiam intactum ex parte, ac ferè primævum (in aliquibus enim ad laudatam Divi Hieronymi Versionem castigatum, atque compositum est) in Sacra Sancta Vaticana Basilica obtinet, ut dixi, caniturque vicissim in Divina Psalmodia. Prædictum Psalterium è tenebris Archivi Cathedralis Ecclesiæ Veronensis, recens in lucem emissum fuit ex Codice Græco-Latino miræ, ac plusquam millenaria antiquitatis, uncialibus characteribus exarato, lumina fide, ac diligentia, in omnibus ferè locis, in quibus ab Editione Vulgata, Clementis VIII. iussu recognita, discrepat, & cum veteribus Psalteriis collatum, opera, & studio Josphi Blanchini, præstantissimi Viri, Veronensis Congr. Oratorii Presbyteri de Urbe.

Antequam postremam manum nostris hisce Observationibus imponam, meminisse libet, quod Divus Hieronymus in Correctione, & Versione Psalmorum ter laboravit. Primo Romæ, quando iussu Damasi Pape Italicam Psalmorum Versionem, ex Traductione LXX. Interpretum expressam, à nonnullis mendis expurgavit, quæ Versiona emendata, statim à Romana Ecclesia recepta fuit. Secundo in Psalmorum versione, & correctione laboravit Hieronymus, quando Bethlehem degens instantibus Paula, & Eustochio admulcuit editioni LXX. editionem Theodotionis, obelis, & asteriscis notatam, de qua versione jam satis supra. Tertiò denique aliam versionem Psalterii adornavit S. Doctor, & est illud Psalterium, quod Hebraicum nominatur, quia nimirum petente Sophronio vertit immediatè ex Hebraicis

Fontibus, quæ versio extat inter opera ejus, & quia ex Hebraico Textu immediate translatâ fuit, ab aliis duabus suis Editionibus, Græco Textui LXX. consonis, plurimum discrepat, tam in verbis, quam in sententiis, ut quisque potest ex utrinque collatione proficere. Hæc autem idèo recepta non fuit, quia duæ Piores quotidiano usu in Ecclesiis frequentatae, sine magna Divini Officii perturbatione, abrogari non poterant. Adlaboravit etiam super Davidicum Psalterium maximus hic Ecclesiæ Doctor, quando diligenter adnotavit discrepantias inter Psalterium Græcum, & Latinum, admonendo, quodnam Hebraeo magis congrueret, ut colligitur ex ejusdem Epistola 135. que est ad Suniam, & Fretellam.

V. Gavant. pag. 58. col. 2. n. 4. -- *Communior est sententia, esse omnes unius Davidis &c.)* Agit hoc loco Gavantus de Psalmorum Auctore; circa quam quæstionem non una est, sed varia Patrum Sententia, ut etiam Gavantus fatetur, alii enim omnes Psalmos uni Davidi tribuunt, alii verò aliquos Psalmos alijs Auctoribus adscribunt. S. Chrysostomus in Psalmum 50. S. Ambrosius Praefat. in Psalm. S. Augustinus de Civitate Dei lib. 17. cap. 14. Theodoretus Praefat. in Psalmos, Caiiodorus Prolegom. in Psalmos. Euthymius Praefat. in Psalmos, Philastrius heresi 79. priorem amplectuntur sententiam, quam Gavantus communem appellat. Oppositam tamen opinionem tueruntur S. Hilarius Prolegomen. in Psalmis. Vulgatus Athanasius in Synopsi, S. Hieronymus Epist. ad Sophronium, & Epist. ad Cyprianum, aliisque sexcenti, ut asseverat Celebris Vir Augustinus Calmet in sua eruditissima Dissertatione super hac materia, in qua utriusque opinionis rationes diligenter discutit, nec non allegatorum Auctorum monumenta, & concludit, tantum esse Turbam Scriptorum ex utraque parte, oppositam Sententiam sustinentium, ut si auctoritate rē agenda esset, anticipites versaremur; & cum

Textus



Textus Scripturæ, Patrum Testimonia, & Ecclesiæ Traditio nihil in ea re satis certi habeant, ideo post sedulam discussionem, quæ magis probatur sententiam tenere, singulis permisum esse arbitratur.

VI. Gavant. pag. 59. col. 1. n. 6. -- *Ordo Historicus difficillime haberi potest &c.*) Triclicem Ordinem Psalmorum Gavantus numerus proponit, nempe Biblicum, Historicum, & Ecclesiasticum; hoc numero vero 6. agens de Ordine Historico, quo tunc tempore quisque Psalmus fuerit compositus, adstruit, quod difficillime haberi potest; hanc tamen chronologicam Psalmorum seriem supralau- datus Calmet diligencissime tradit post Dissertationem, quam exaravit in quindecim Psalmos Graduales.

VII. Gavant. pag. 59. col. 2. n. 8. -- *Ut ipse Damasus saepe in epistola ad Hieronymum in Tom. I. Conciliorum &c.)* Nullo modo admitti potest, quid ante Damasi Pontificatum nullus fere recitaretur Psalmus in Ecclesia Romana, constat siquidem ex dictis supra, quod Hieronymus iussu Damasi Psalterium recensuerit, & correxerit errores, qui in illud irreperant, quod quidem Psalterium profecto usurpatum fuit ab Apostolico ævo. Epistolam autem Damasi ad Hieronymum, cui assertum Gavanti inititur, supposititiam esse unâ cum Hieronymi responso ad Damasum, eruditæ omnes affir- mant, & præclarè demonstrat Emmanuel à Schelestrate in secunda parte Antiquitatis il- lustratæ. Vide etiam, quæ diximus supra in Observationibus ad caput 4. num. 3. de Epistola supposititia Hieronymi ad Dama- sum.

VIII. Gavant. pag. 60. col. 1. n. 11. -- *Ex Institutione Damasi &c.)* Afferit hoc loco Gavantus, in fine cuiusque Psalmi additum esse Gloria Patri, & Filio ex Institutione Damasi; verum videnda sunt ea, quæ diximus supra in nostris Observationibus ad caput 4. n. 3. à quibus repetendis hæc abstinemus.

IX. Gavant. pag. 60. col. 2. n. 14. -- *Re- novaverunt hinc Cantum Clerici Regulares &c.)* Mentionem hic facit Gavantus nostræ Congregationis, cui tribuitur, quod Cantum primitivæ Ecclesiæ renovaverit, nempe modico flexu vocis Psalmos canendo. Hanc simplicem cantionem ab Apostolis derivatam esse, colligitur ex S. Isidoro lib. 5. cap. 5. ubi ait: *Primitiva Ecclesia ita psallbat ut modico flexu vocis faceret Psalmum resonare, ita ut pronunciante vicinior esset, quam canenti.* Apo- stolos imitati sunt primi illi Ægypti Patres, de quibus Cassianus *Instit. ut lib. 2. cap. 5.* ait: *Ab Angelo edocto fama est, ut dodecim Psalmos parili pronunciatione, & simplici voce tenore deinceps, ut ipse cecinerat, canerent.* Di- visus Augustinus postquam in vita Christiana magnos progressus fecerat, illam modulationis suavitatem, quæ tantopere ipsi pla- cuerat, simplici Psalmorum prolationi, cum gravitate factæ, postponebat. Ita enim lo- quitur in lib. 10. *Confess. cap. 33.* *Sed valde interdum, ut melos omne Cantilenarum sua- vium, quibus Davidicum Psalterium frequen- tur, ab auribus meis removeri velim, atque ipsius Ecclesie: turio que mihi videtur, quod de Alexandrino Episcopo Attanasio sape mibi dictum comminui, qui tam modico flexu vo- cis faciebat sonare Lectorem Psalmi, ut pronun- ciante vicinior esset, quam canenti.* Hæc ille; ex cuius verbis evincitur, quod in Monaste- riis non modo, sed etiam in Cathedralibus Ægypti Basilicis mos ille vigebat, aquabili vocis tenore Psalmos recitandi. Eudem servasse canendi ritum Ecclesiæ Africanæ, significat idem S. Augustinus Epist. 55. juxta novam editionem num. 34. ubi ait: *De hac re (nempe de Hymnis & Psalmis canendis) varia coniectudo est, & pleraque in Africa Ec- clesia membra priora sunt: ita, ut Donatisti nos reprehendant, quod sobrie psallimus in Ec- clesia Divina Carmina prophetarum.* Denique simplicem, sobriamque hujusmodi cantio- nem Auctor responsionum ad Orthodoxos quæst. 107. quæ Justino Martyri tribuuntur,



Sect. V. Cap. VIII.  
& S. Johannes Chrysostomus *Homilia de Monachatu Tom. 5.* & *Homilia 14. in Epist. 1. ad Timotheum* approbant, & collaudant.

X. Gavant. pag. 60. col. 2. n. 15. - *De alterno Cantu est magna questio, quis fuerit Auctoꝝ &c.)* De hac re loquuti sumus suprā cap. 7. num. 11. ubi egimus de Auctore Antiphonarum; iis tamen, quae ibidem diximus, addimus hoc loco, quod, quamvis Henricus Valesius in suis eruditissimis Annotationibus ad Socratis Historiam, asseruerit, primos omnium Flavianum, ac Diodorum Regnante Constantio Psallentium Choros Antiochiam bifarie divisisse, & Psalmos Davidicos alternis canendos eis tradidisse, eamque rem prim in Antiochia institutam, postea ad reliquas totius orbis Ecclesias dimissem, testante hoc Theodoreto in lib. 2. Historia cap. 24. & ante illum Theodoro Mopleusteno, nihilominus Valesius idem eam Psalmodie speciem jam ante Flavianum, atque Diodorum à Syris fuisse usurpatam, colligit ex laudati Theodori Mopleusteni fragmento, quod refert Nicetas in Thesauro Orthodoxæ Fidei lib. 5. cap. 13. idque magis firmatur, ex quo prædictos Monachos Flavianum, & Diodorum Theodoritus cit. loc. ut adstruit Gavantus, alterni Cantus potius Instauratores vocat, quam Institutores. Quidquid autem sit de Auctore hujuscce ritus; alternum Cantum tempore Gregorii Nazianzeni in Monasteriis utriusque Ieſus jam receptissimum fuisse, manifestum est ex jambico ejus carmine de virtute sub finem; idque omnibus notissimum esse dicit. Eorum Chorum Angelicum vocat, qui nunc sinul, nunc vicibus alterni canit: quapropter saltem inde colligitur, quod uno tempore ante Cassianum Seculo alternatim canendi ritus apud Orientales inolevit, qui sensim inde manavit ad Occidentales, ut optimè notat Mabillon. in *Disquisit. Cuſus Callicani* n. 7. erga finem. De hac re legendus est etiam eruditissimus Thomassinus in lib. 1. *Disciplina Ecclesiastica* capp. 34. & 35.

## Sect. V. Cap. VIII.

Cæterū præfatum alternatim psallendi Ritum à Lege veteri derivasse, videtur non dubitandum; in veteri enim Testamento ex Davidica institutione, Levitæ in tres Choros distributi canebat coram Tabernaculo Testimonii; stabant autem juxta ordinem suum in Ministerio. Chorus medius Levitarum erat Caathitarum sub Cantore Herman; Chorus dexter Levitarum Geronitum, sub Cantore Asaph; Chorus verò sinister Levitarum Meraritarum sub Cantore Ethan. Primo *Paralipom. c. 6.* Eos autem per Choros decantasse, ac sibi invicem respondisse, nulli dubium esse potest, ait noſter Thomasius in sua *Prefat. ad Antiphon. Rom. Ecclesiæ.*

XI. Gavant. pag. 61. col. 1. n. 18. - *Standum esse ad Psalmos, quod hodie observant Chorici Regularis &c.)* Etiam hoc loco nostre Congregationis Ritum allegat Gavantus, quem observamus in Cantu Psalmorum. Castaldus noster in Ceremoniali lib. 2. cap. 3. num. 3. de Corporis habitu in canendis Psalmis juxta nostri Ordinis morem à S. P. nostro Cajetano acceptum ita decernit: *Cum Psalmi cantantur, regulariter omnes stare oportet, quod si ob Corporis imbecillitatem aliqui sedere oportet; arbitrio Superiori justa ex causa concedendum relinquatur.* Idem Castaldus in sua *Praxi lib. 2. sect. 3. cap. 2. num. 2.* ait: *satis laudabilis est Religiosorum consuetudo, apud quos maxima Ecclesiastica viget observantia, Psalmos stantes practicandi.* Sed quod magis est, talis disciplina diserte præscribitur in nostris Constitutionibus part. 1. ca. 1. n. 10. ubi habetur. *Psalmos Penitentiales genibus flexis, Gradusales, & pro Defunctis sedentes, reliquos stantes in Choro recitent.* Quem quidem nostri Ordinis Ritum cum in citato Constitutionum loco Johannes Lorinus, Soc. Iesu præclarus Theologus, & Psalmorum eruditissimus Interpres, advertisset, in Prolegomenis ad suos Commentarios cap. 14. singularitatis notam nostris impingens scripsit hæc præcisa verba: *mirum est, præter unum*

num aliquem Ordinem (nos Clericos Regulares intelligens, ut liquet ex illius contextu) nullum hodie extare, qui eo situ Corporis, alterve, quam sedendo Psalmos in Choro decantet. Quocirca Antonium Caracciolum, eruditissimum plane Virum, & nostrarum Constitutionum eximium Interpretem & acerrium hujus Ritus defensorem, severa nimis manu perstringit. Verum fœde labitur Virille doctissimus, mos enim concinendi Psalmos, non sedendo, sed stando adhuc juxta priscam disciplinam servatur non solum a nobis, sed etiam ab aliis Regularium Ordinibus, & equidem in Rituali Cisterciensi ex Libro Usuum, definitionibus Ordinis &c. collecto, & Parisiis impresso Anno 1721. cap. 8. num. 3. legitur: *Stamus adhuc in stallis, sed vntibus ad invicem versis, seu Chorus ad Chorum &c. ad Psalmos, Hymnos, Canica, & Antiphonas Communes.* Petrus Bohérius exponens verba illa; *sedentibus omnibus in scaenis, quæ leguntur in cap. 9.* Regulae S. Benedicti; dicit: in hac Regula expressè non contineri, num standum, an sedendum sit; quando Psalmi canuntur; Menardus tamen ex iis S. Benedicti verbis satis apposite intulit, ut observat Martene ibidem in Commentario instituti sui, inter psallendum Monachos stare debere, qui enim jubentur sedere, dum leguntur Lectiones, prius stetisse psallendo neceſſe eſt, id quod aliis etiam argumentis probat Menardus, & hanc fuisse veterum Monachorum praxim, afferit, quam videre eſt apud S. Athanasium in libro de Virginitate, ubi ait: *Medita nocte surgito & Psalmos dicio, quantum pot-s, stans.* Rurſus idem colligitur ex S. Johanne Chrysostomo de vita Monachorum sui temporis, ita scribente Homil. 14. in prima Timoth. C. in ante lucem gallus emittit vocem; omnes cum reverentia disculfo sopore consurgunt a suo exercitati Pralato; adstantque Sacro Choro, protinus expansis manibus Sanctos concinunt Hymnos. Suprà allegatus Bohérius, quamvis dixerit, ex verbis Regulae S. Benedicti colligi non posse, utrum standum, vel sedendum sit, quando Psalmi canuntur; factetur tamen, in magnis Monasteriis Sublacensi & Specus, ubi S. Benedictus primo pœnitentiam egit, Fratres in Psalmis omnino non sedisse. Quod de Sublacensi Bohérius, hoc de Cassinensi afferit Bernardus Cassinensis: *usque ho- ie, inquit, in Psalmis canendis non sedent Fratres in Monte Cassinensi,* licet alibi videam sedentes alternatim per vices, *quod & ego non vitupero & istud tamen, utpote magis consonum intentioni S. P. N. Benedicti, magis laudo.* Idem Bohérius, cuius verba refert Edmundus Martene cit. loc. adstruit pariter, in magnis Galliæ Cœnobitis advertise Fratres sedere, dum Psalmi explentur, interdum tamen Fratrum medietatem in uno Psalmo sedisse, aliam alternatim in alio. Inter praedicta magna illa Monasteria recenserit Cluniacense, in quo si quis sedere voluerit inter psalmodiam, inquit Udalricus lib. 2. cap. 7. obſervat, ne sedeat ſuxta alium ſedentem, & ita, ut unus ſtet, & ſedeat alter, & invicem exhibere debent occationem ſedendi. Divisione S. Benigni, cuius antiquæ Conſuetudines MSS. eandem cum Udalrico praescribant, addunt, quod unus post duos Psalmos ſedeat, & alter ſtet. Bursfeldenses etiam ad Psalmos alternatim ſedent. Nos vero, ait laudatus Martene, ad omnes Horas Diurnas ſemper ſtamus. Non ſolum praedicti Cœnobiti, ſed etiam alii Religiosi Psalmos ſtando decantant, ut Cappuccini, ita enim praescribitur in eorum Ceremoniali part. I. cap. 14. item Clerici Regulares Minores, ut ex illorum pariter Cerebr. part. I. cap. 10. conſtat, & alii etiam Regulares. Antiquissimum autem eſſe hunc ritum, ut Psalmi a ſtantibus cantentur, eruditissime probant ſupracitatus Antonius Caracciulus in 2. editione ſui Commentarii ad praedictum nostrarum Constitutionum locum, nec non Franciscus Maggius diſquisit. 5. & seqq. de Divino Officio, & Choro; qui ita convellunt Lorini cenſuram, ut mirum ſit, tantum Aut-



ctorem id afferere potuisse. Quae vero ex Cassiano in sui confirmationem adduxit Lordinus, illi potius aduersantur; cum ex ipso Cassiani Textu Alardus Gazaeus in suis Commentariis ad ea, ut s. 1 b. 2. evidenter ostendat, Monachos quidem, qui alios psallentes audiebant sedisse, eos vero, qui psallent, stetisse. Quod si quis opponat ex eodem loco, & cap. 12. Monachos illos non stantes, sed sedentes Psalmiodiam celebrasse, responsio ex eodem in promptu est, Monachos illos non recitasse quidem Psalmos, sed solummodo unicum Psallentem auscultasse,

& ut in Textu dicti Capitis §. habetur: In Psallentis verba omni cordis intentione defixi stetisse; ita ex hoc Textu utrumque habetur, & Psallentem stetisse, & non psallentes con-sedisse. Ex hoc ritu autem idem Gazaeus ortam esse consuetudinem, ut qui legit Sacram Scripturam, Sanctorum Vitas, Martyrologium, Capitula, aut Collectas, & alia hujusmodi, ipse quidem Lector stando legat, ceteri sedentes auscultent. De non sedendo ad opus Dei integrum edidit Petrus Damiani opusculum, quod curiosus Lector consulere poterit.

## De Canticis. XXIII.

R U B R I C A.

- 1 **C**antica dicuntur in Officio de Tempore, tam de Dominicis, quam Feriis, ad Laudes, Vesperas, & Completorium ut in Psalterio distribuuntur.
- 2 **I**n Festis & Tempore Paschali, ad Laudes semper dicitur Canticum Benedicite, ut in Dominica; & in fine ejus non dicitur Gloria Patri, sicut in aliis Cantibus dicitur, nec respondetur, Amen. Alia Cantica feriales; ut in Psalterio, ad Laudes non dicuntur, nisi quando fit Officium de Feria extra tempus Paschale.
- 3 **C**

## Novaæ Observations, & Additiones ad Gavanti

Cap. IX. De Canticis.

I. Gavant. pag. 61. col. 2. n. 1. -- **Canticum est vox musica cum harmonia ore solo pro-lata &c.**) Orthodoxi patres Hilarius, Chrysostomus, & Euthymius in prefat. Psalmorum, necnon Basilius in Psalm. 29. Cantica distinguunt a Psalmis, per hoc, quod Psalmus sermo musicus quidem sit, qui secundum harmonia rationem ad Organum pulsari, & simul cantari solet. Canticum vero est, cum Cantorum Chorus libertate sua utens, nec in consonum Organi adstrictus obsequium solius vocis modulatione exultat. Quando autem cum Organo pra-

cinente Cantoris vox instrumenti emulatrix subsequitur, Canticum Psalmi nun-cupatur. Cum autem humana voce incipiente Organi sonus pari suavitate vocis modulos imitatur, Psalmus Cantici vocari consuevit, ita Cardinalis Bona de Divina Psalmodia cap. 16. §. 12.

II. Gavant. eod. n. 1. -- **Canticum gratiarum actionem significat &c.**) Omnia Cantica composita suisse ad persolvendas Deo grates pro insigni aliquo, & speciali beneficio, affirmant Riccardus Victorinus lib. 4. in Apo. alypsim cap. 6. Rupertus in Prog. Can-

